

**MIZORAM PRESBYTERIAN CHURCH**  
(Presbyterian Church of India)

Moderator : Rev. R. Vanlalngâka  
Secretary (Sr) : Rev. P.B. Mankima  
Secretary (Jr) : Upa Vanlalsâwma Siakêng  
Fin. Officers : Rev. V.L. Luaia Hranleh  
Rev. P.C. Pachhunga  
Statistician : Rev. H. Laltlanthanga



Sr. Executive Secretary  
Rev. C. Zoramawia  
Executive Secretary  
Rev. V.L. Luaia Hranleh  
Rev. Dr. K. Lallawmzuala

Synod office, Aizawl - 796001, Mizoram, India; Ph: (0389) 2326372/2322285/2335821/2324448; Email: mizoramsynod@gmail.com

No. MS/GEN-46/2023-24/216/ 67

Dt. 11.4.2024

To

The Secretary

..... Kohhran

Subject : ***Lok Sabha Inthlan puala ÷awngñai tur leh Inthlan Thuchah chhiar chhuak tura ngenna***

Rawngbawlpui duh tak,


Kan Lalpa Isua Krista hmingin chibai ka buk a che.

April 19, 2024 hian India ram pumah Lok Sabha MP thlan a ni dawn a, Mizoramah pawh vote kan thlak dawn a ni. Inthlanna felfai leh muanawm tak a awm theih nan leh India rama Kristiante nêk chêpna leh harsatna siam zawnga hmalakna hi a bo theih nan Kohhranhote ÷um khat inkhawmah he inthlan tur pual hian ÷awngñai rual turin kan inngen a ni.

Mizoram Kohhran Hruaitute Committee chuan Lok Sabha inthlan tur pual hian Inthlan Thuchah a tichhuak a. Inthlan Thuchah hi Kohhran inkhawmah in lo chhiar chhuah theih nan ka rawn thawn tel bawk e.

Lehkha a hranpaa tihchhuahna hun a awm tawh loh avangin PDF-in kan inpek hi lehkha pangngai anga lo ngai turin kan inngen e.

I rawngbawlpui

  
(REV. P.B. MANKIMA)  
Secretary  
Mizoram Synod

Copy to: 1. Secretary,.....Bial – Bial chhung Kohhrante a lo hriattir theih nan  
2. Bialtu Pastor & Pro. Pastor  
3. Co-ordinator i/c SYNFO – a ÷ul anga a lo tihdarh theih nan  
4. Office copy



**MIZORAM KOHHRAN HRUAITUTE COMMITTEE (MKHC)  
INTHLAN THUCHAH 2024**

Kan hma lawk, April 19, 2024 khian kan ram roreltu M P thlanna (Election) kan nei leh dawn a, Mizoram Kohhran Hruaitute Committee (MKHC) chuan Mizoram mipuite hnenah **Inthlan thuchah** kan han siam a. He kan thuchah siam hi Mizoram mipui, kohhran leh Political Party te pawhin ngai pawimawh a lo zawm hram turin Pathian hmingin kan ngen che u a ni.

**I. RAM PUM HUAP ṬAWNGṬAINA:**

Rampum huap ṭawngṭaina April 13/14, 2024-ah mahni Kohhran inkhawmah ṭawngṭai ṭheuh turin kan inngen a, ṭawngṭai thupui atan a hnuaia mite hi hriat ni se:

1. Inthlan tuang taka kan neih theih nan leh Mizoram aiawhtu mi ṭha tak kan thlan chhuah theih nan
2. Kan ramah sakhaw zalenna tha tak kan neih zel theih nan leh sakhaw pawl hrang hrangte intibuai lova, inrem taka kan awm zel theih nan.
3. India ramah Kristian-te rawngbawlna nekchepna leh harsatna siam zawnga hmalaknate hi a lo bo theih nan.


**II. RAM MIPUI LEH POLITICAL PARTY-TE TAN:**


1. Zalen tak leh duh thlanna dik hmanga mi tinin vote an thlak theih nan, hel pawl leh ralthuam lam chi hman te, invau te, inbum te, sum sem te tih loh ni se.
2. Vote nei zawng zawng ten kan mawhphurhna a nih ang taka vote thlak vek ni se.
3. Hnam bil zawng te, khawtlang inpumkhatna leh kohhran inunauna tichhe zawng tein eng pawl mahin hma lak loh ni se.
4. Mi mal leh pawl insawichhiat vak vak te, tharum thawhna chawkw tho zawnga inelsen leh in auh nawmna te tih loh ni se.
5. Therhlo leh sum uma tumahin vote hralh loh ni se.
6. Kan ram, kan hnam leh sakhaw himna ngai pawimawh tur mi thlan chhuah tum ni se.

**III. THLANTLINTE CHUNGCHANG:**

1. Thlan tlin apiang chu Mizoram Kohhran Hruaitute Committee chuan a mawhphurhna tha taka hlen chhuak thei turin duhsakna kan hlan a. Thlangtu mipui leh roreltua ruattu Pathian zah chungin ram leh hnam tan hna thawk tur leh Party aiawh chauh an ni tawh lo va, Mizoram mipui zawng zawng aiawha ding a nih inhre reng turin kan duh a. Kan ram, kan hnam leh sakhaw himna ngai pawimawh reng turin kan beisei a ni. Kohhran leh pawl duhsak bik nei lo va, ang khata an thu leh hla ngaih pawimawh sak tur leh Kohhran te thawhpui theiha an awm kan duh bawk.
2. Tin, thlangtu mipuite pawhin thlantlin apiang chu kan ram tana Pathian min pekah pawmin sawisel ringawt lovin i tawiaamin i ṭawngṭaipui zel ang u.

MKHC aiawhin

  
(REV. R. LALRINSANGA)  
Secretary

  
(REV. R. VANLALNGHAKA)  
Chairman

Date 27.03.2024